

石田先生詩鈔一

古體

天順初年盡成  
化十四年戊戌

朱澤民山水

睢陽老人營丘徒意匠妙絕絕代無爲留清氣在天地便  
就片紙開江湖長松落葉風細細幽構縈蘿倚江住壁虎  
書魚蕩水光老屋疎茅通雨氣老人不歸空北山芳杜春  
風應厚顏微官縛人萬事拙安得浮雲相往還宦海黃塵  
迷白髮雲壑風泉清入骨思家看畫方兀然叫落西窻子  
規月

堤決行

成化元年乙酉先生年三十九



湖田築堤低且狹潦深土疏還易塌  
訝然有勢若崩崖  
耳作聲同決閘愴惶陞塞無取泥少補東塌仍缺西呼兒  
搗鼓報隣里乍斷乍連聲不齊江風衝潮江雨大白波直  
向人頭過老農袖手不可攔歎息還來屋中臥

低田婦

湖田十年纔一畊今年又與湖波平  
男兒築岸婦踏水日長踏多力不生百幅翩翩轉鴉尾  
塗足蓬頭濯風雨君不見田家不悔苦生涯  
生女還復嫁田家

廬山高爲醒菴陳先生壽

成化丁亥

廬山高高乎哉鬱然二百五十里之盤踞  
岌乎二千三百

丈之巖從謂卽敷淺原崕嶠何敢爭其雄  
西來天塹濯其足雲霞日夕吞吐乎其胸  
迴崖沓嶂鬼手擘礪道千丈開鴻濛瀑流  
淙淙瀉不極雷霆殷地聞者耳欲聾時有  
落葉於其間直下彭蠡流霜紅金膏水碧  
不可覓石林幽黑號綠熊其陽諸峯五老  
人或疑緯星之精墮自空陳夫子今仲弓  
世家廬之下有元厥祖遷江東尚知廬靈  
有默契不遠千里鍾於公公亦西望懷故  
都便欲往依五老巢雲松昔聞紫陽妃六  
老不妨添公相與成七翁我嘗遊公門仰  
公彌高廬不崇丘園肥遯七十襍著作捐  
捐白髮如秋蓬文能合墳詩合雅自得樂  
地於其中榮名利祿雲過眼上

不作書自薦下不公相通公平浩蕩在物表黃鵠高舉凌  
天風

霨雨

滂霖積春夏曾未間昏晝淒颯羣陰交滄動二氣湊飛電  
互揮霍轟霆迭訶詬義和奪昭明屏翳務馳騫落寸始膚  
殃累尺乃心疴甌窶且踰蹙汙邪安止脰翹翹盼天根默  
默咎畢宿亂流怪涉豕困樹憫縣雌甑汗喻足徵瓢滴詵  
恐謬浸漬城墮堵衝注石穿溜惟治塊不破悲崩墓難救  
不見后土乾莫補蜀天漏上重憎黑幕旁廣駭白囿有川  
事漁釣無所托畊耨苦厄苗俱萎欣霑草爭茂獨吊桑盛

苗未蒙馮鳩祐四野蕩弗節二序沃靡詠傷哉及上官唱  
乎止中箒卑受誠隕穫高肆何恂愁不憚許子煩却慣劉  
郎又雲偕陣來往風乘勢重復小竄猶脉沐大零必滂驟  
慢覺溪腹寬急訝池面皺聲千耳遭聒狀百日被瞽河沙  
數無涯壁書語多讀紛空毛詫擊印地鏡誤收瓴翻明珠  
跳竇流寒玉漱浪浪習蕉喧翕翕諧竹奏總總麻本密纚  
纚絲緒就哧哧箔上蠶啜啜釜中豆鳩舌夜諷僧虎責朝  
襲寇浙瀝箭灑甲膈膊石交胄淋漓徧床席點滴布襟袖  
冒濕戚施坐緣塗突梯走暑舄曠暘死胃感滋泄瘦具漿  
蒲宰失裹飯子桑疾竈鳴蛙羣居市哄馬連踏茵黃腐棟

贅蘇紫濡墻綉穉子喜無憂來人嘆非舊縱陽戶南敞卜  
霽蔡中灸空聞高陵避安得廣厦覆俊惟仁君德盍被真  
宰佑懷襄固爲割宵旰必自懋驗穰誑歲酉命竈虛日戊  
天澤不爲惠庶徵亦愆候湯且 七慳堯亦成九富古聖  
攸未免吾人奚敢恒但慮潢潦前尋召疫癘後流離正爾  
使剽竊以此狃團辭志所愴何暇顧菲陋

天全徐先生夜過

成化七年暑夜天全徐先生過雙蛾僧寓小酌踏  
月歌邢惇夫黃知命夜歸詩因賦此索先生留題  
法雲夜歸黃仲達騎驢高歌仰明月天風獵獵吹白袍履

嘗殿後走不迭襜杖負囊無乃媒過市小兒笑口咽何物  
老子作怪遊俗夫豈爾須仙列李圖邢詩遂大傳邈五百  
年無四傑先生尋我興亦豪入更來敲僧戶閑栖鳥翻樹  
露滿葉長孳掃斗芒不折先生呼酒要排熱乃云秉燭古  
有說三花朗咏掛巾篇故事不妨吾戴設高流風致自斗  
山一遊一嘻知不屑先生於此如有言當與雙峯共磨滅

成化七年辛卯  
先生年四十五

送人歸秦州

江城十月風淒淒客子告我歸關西長途短日雙淚落苦  
憶妻孥驚鼓鼙延安綏德邊報急秦州在陷家當失黃河

凍合胡馬健倏來度冰如踏石柰何主將與監軍玩寇自  
顧舟中敵駐兵無嘗惑餉道遠輸豈顧煩民力芻藁計萬  
不計千騾駝不足不得前委山積雲雨遭燼旋買一束銀  
三錢官司斂價撻問里婦女唬咷脫簪珥役窮財竭心易  
失釁端恐在蕭牆裏杞人聞之搔白頭落日倚襟江上樓  
嗚呼韓范不復作極目秦雲空自憂

鷺瓢爲杜東原作

惟天不愛道匏瓜化爲鳥下臨濁世三千秋老身身被青  
藤繞今日明日飛不去秋毛脫落霜皮老舒瓊引玉蒼頭  
長吸雨含風素咽小婪酣果腹懷秋胎何時經鬼手當臍

一竅偷擘開鷺殺老碧繼笑倒窮顏回本是青草湖一拳  
玉今爲玳瑁筵上五石材濩落成老醜錦里先生命盛酒  
一飲一啄天不慳吐啄彎彎如北斗金鸚鵡無此清銀鷺  
鷺無此輕右手挾之吞洞庭洞庭三萬六千頃入口不數  
蝦魚腥但恐地亦不愛寶上天復作瓠瓜星上天復作瓠  
瓜星嗚呼不得盛酒隨先生

季冬五日壽東原先生

除月五日天布德青陽津津生一脉長庚墮地不爲石化  
作文星老詩伯詩聲吹春妙南國千斛明珠百雙璧琅玕  
叢中綠亭窄梅花壓簷四邊白蒼裾炤耀登上客鷺鷥銀

杯貯瓊液飛落手中閑不得酒波倒捲南山碧醉鄉春風  
開壽域方入瞳眼睛光滴半夜看書流月色頭上烏蟾梭  
一擲笑拂銅花摩老狄

八月一日壽醒菴陳先生

東奎西壁垂光晶其中含黃雱且靈金天阿母夢倏驚南  
呂屈吉斯人生苞鳳五色文章明虞羅不薦天子庭仁爐  
義冶鑄俊英元氣闔闢萬象呈台光炯炯仙胞榮花甲瞥  
度如流星乳視兔弟孩錢兄東海清淺南山平雲英蕩日  
天披晴綠莢報朔抽斯實桂花壓麝香滿城綺疏揭曉通  
雕楹翠濤旋列黃金鬣龍根麟脯破紫瓊繁絲聒醉飛新

聲春酣仙頰紅如嬰掀髯一笑三千齡

竹月樓為仲彝作

錦里孫青琅玕采石江爛銀盤烟中拔起玉孌娜江底擁  
出秋團圞天造與地設二物天地清詩仙豈無 假此巧  
立名而天亦不嗔而地亦不怒倒喝纖 駕龍馭別築管  
城囚藥兔詩脾豁秋氣入夜半方諸抱秋泣金牛棧道老  
翠乾青蓮釣船宮錦濕禿盧心鍊一寸長誓與天眼開靈  
光無端削簡書怪事此君背汗流青漿更呼小巽搖仙葆  
往探金樞怕天曉瑤花不實鳳啼饑翠袖美人愁欲老美  
人不勝愁明鏡掩西樓屋梁夜色冷於水一曲新聲夢千

表石齋不日言鈔  
里

分得洞天春曉爲徐秉倫壽

包山鑿翠爲靈窟玉闥兩開迎日出仙人日煉採日功靈  
華滿咽吞早紅老夫槌破崑崙頂子夜金雞亦驚醒羲和  
門外報春來東方軟風吹不冷蘭堂襲露香不扃霞光倒  
蕩金鵝屏青童手中鸞尾起掃淨白石驚落星仙人開壺  
醉春色昨夜桃花一番碧相期食子三千年復裹黃泥種  
桃核

題陳侍御畫竹

鐵面郎官掃秋雨一夜秋聲落人耳楚歌唱斷碧雲愁招

得湘靈來筆底湘靈倒拔青鸞尾翠袖拖風濕江水水遠  
山長不見人惟有千年淚痕紫

題歌者便面

罨畫船輕不勝櫓相逐鴛鴦度南浦錦纜斜牽楊柳風綠  
蓬深掩梨花雨美人隔水露新粧綠塵羅襪暗生香舞腰  
婀娜燕無力高歌一聲鶯斷腸痴雲遏夢天不曉金鷄無  
聲春悄悄五陵遊子歸來心萬里天涯怨芳草

葺竹居

成化辛卯

行年四十五兩鬢半蒼蒼感茲白傳言蹇予適相當老態  
一何逼流光一何忙坐嬾百事墮淡然與世忘龜勉舊田

廬今茲始葺荒買竹十數栽初種未過墻把酒時對之疎  
陰度微涼再歌榮木篇爲樂殊未央

江南思

落日川光暗迴塘鼓旋楫風吹綠鬢影相將亂荷葉放聲  
歌采蓮何人知是妾

采菱圖

湖州秋水王冷冷湖州女兒出采菱梭船盪漿紅潑刺阿  
姊倡歌教妹應隔溪冶郎騎馬過點鞭殺勒霜蹄挫

送友人還金陵

昨登鳳凰臺又是十年事人生能幾別忽忽老將至記君

同醉秦淮月說劍談兵掉長臂君今走舸下江來墨髻甦  
甦十霜四風流固在歲月空舍者何堪論意氣公侯之後  
能幾復造物茫茫與人忌風寒老樹翻夜烏天闊高雲舉  
秋鷺窮冬不作雪落葉捲霜地朝來抗手不可留柰爾思  
歸欲加翅

送周文襄公乃孫廷器以畫像驗塑還吉水

土田亘江東揆賦億兆計其多繇寸入所在敢遺地 太  
祖太宗時稽歛或未備侍收信長屬饗公飯私費習久遂  
玩刑忘身殉于利逋迨八百萬空牘勞記註歲餉嘗不及  
日究嘗不治文襄應簡命安濟受斯寄公知法禦患法疏



患乃致誨盜在慢藏更駕在失御盡斥宿漁手令民必躬  
輸升斗舉在公庾儲復官泣登積充舊典罔耗有攸裕所  
羨亦不訾陳因年相次戶庸及公需凡百資其出于時民  
樂生 朝廷無顧慮幹轉一時機掃蕩滋深弊如器之貼  
傾援拯暇不遽革茹謝苛猛振蠱匪斂聚公薨五十年遺  
政已莫據後繼亦多賢措設各有異遡惠不可誣于久乃  
有祀廟貌欲追惟歲月蔑省記公姓攜繪影按之求肖似  
外肖衷未然有愧六二比才局負心胸仁義具肝肺智諳  
周聰明力量發意氣不然是非間耳耳茅三四我喻操鎧  
工斯得謂能事工答母深求神般不載世我聞發咨嗟時

哉則殊勢秋風振江介白露草木瘁遊子思故鄉懷圖渺  
西鷺往矣不可留欲贈言莫旣

汎月辭

并序

成化癸巳

家君以風痺兩年不良行今稍可扶掖出入七月  
望夕氣清天高神情朗徹因合近局五七人汎舟  
奉遊于谷水川上水月浩然炤人如畫乃烹鮮醜  
酒捧觴屢進復造此辭揚聲中流歌以佐之客亦  
宛轉齊口相和家君馴及微酣月午始返棹可謂  
樂矣其辭曰

川之迥兮澹無風月初出兮露橫空汎樓船兮川上弄明

月兮川中鼓蘭漿兮揚彼素波光出沒兮復見星河清歌  
激兮觴屢進夜未央兮歡樂多歡樂多兮百憂釋百憂釋  
兮除疾除疾除疾兮安吾親忘歲年兮遊無極

莫氏壽樸堂

成化甲午

莫家種樸堂之前人家與樹相爲年拱宋抱元非一代皇  
明十圍猶鬱然望如車蓋臨綺川張空黛色凌蒼烟厄柯  
垂地雷雨妬斲皮露心螻蝻穿屢逃兵火合靈怪曲教樵  
斧諸黃緣雖然所托在得地似此愛護寧非天天嘗戲藉  
不爲病與家同衰卽同盛侍郎狼狽以官敗大類犧尊災  
木性兒孫奕葉今森森王庭便欲空槐陰人於門第望喬

木我羨根柢生詞林嗚呼此家此樹不易得季宿應須自  
封殖作圖還儗角弓篇放筆爲君三嘆息

送諸立夫歸錢塘

昔年記買臨安船來與泉石修清緣劉郎史伯及吾弟一  
船四客如登仙諸君作我南道主湖山笑引肩與前談詩  
酌酒夜不輟吻焦目澀無安眠別來人事等雲變舊遊一  
夢驚三年劉郎化鶴招不得吾弟掩玉仍黃泉感懷夙昔  
有零淚掩卷怕看登臨篇殷勤對話雜悲喜買酒取醉愁  
無錢空齋停火炤寒鼠古木翳寺號饑鳶明朝何苦又分  
手拂衣長路開風烟朱顏白髮倏忽事人生離合真堪憐

題畫送張子靜 成化乙未

八年別君今始遇匆匆八日仍歸去吳門新酒闌於江日  
日醉君君不住高堂老有八十翁夜夜思翁在夢中長洲  
春泥污短襪洞庭烟浪搖孤蓬人生度世誰滿百莫倚長  
髯不能白未知握手再何時紙上雲山笑行客

遊海雲觀連理山茶

穹窿山中尋此花六年兩度來僧家連枝接葉宛似舊惟  
覺山人雙鬢華折花插鬢興不淺把酒澆花猩血法浮生  
來看再幾迴敢惜春羅烏渠典愛渠滿眼歲寒姿獨發深  
山誰得知正如君子處濁世不與桃李爭其時時乎時乎

不相與花亦何嘗向人語夕陽在樹人下山老僧關門啼  
杜宇

句曲王可學阻風有贈

四月二日風正狂柳條榆莢俱飛揚行人欲行不可發買  
舟倚岸鄉心忙蕭齋把酒且款慰高樹平川愁日黃西隣  
句曲引領遠北指毘陵歸路長我生好遊興不淺因君一  
夜思華陽洞中桃花果在否試我明年脚力强

灣東草堂爲弟樸賦

愛子別業灣之東去家僅在一里中蔽門遮屋樹未大矮  
簷但見麻芑芑頻年一意耽詩酒翻然改與畊夫偶赤脚

饜飯走細脰戴笠牽牛映新柳時人喃喃譏子愚阿翁儘  
有高明居何致妻子嫌側陋何信兄弟專錙銖從人自說  
渠自好力田養親殊有道強於遠宦竊斗升手種長腰使  
親飽力田養親樂已多兄弟妻子如予何我與題詩解嘲  
罵門外雨來蛙滿河

題畫

我從繪事歲既多破費水墨將成河溢觴董巨意亦廣望  
洋不至當如何十年爲爾負黃卷壁藝稂莠翻遺禾祇今  
鑄錯歎無鐵蕭蕭兩鬢紛蓬科過猶未改復弄筆老身自  
像般山阿踰梁差少鶴先路振策忽驚魚出波踈林秋杪

不著葉要看墨嶂開差我胸中不平大類此吐氣浩浩歌  
吾歌

題黃大痴山水小幅

大痴寫山用福法千樹萬石縱橫書此圖紙短意則遠今  
我對面思匡廬痴兮痴兮已仙去人間可惜無金鑄天如  
許借還下來小五百年一遊戲

經尚湖望虞山

日午放船湖上頭虞山隨船走不休高雲仰見出翠壁飛  
影下接滄波流青林人家隱山麓鷄鳴犬吠聞中洲鸕鷀  
羣棲竹葉暗蜻蜓特立荷花秋蓮歌漁唱尚互答落景在

耕石齋石日言金  
樹猶堪遊小舟爭渡各先去獨逆風波渾不憂

虎來

成化十一年九月謠言虎至爭慌惚我謂虎至豈水鄉況  
少蕩翳與林樾前邨漸報啞老翁西邨少年撲見骨未昏  
家家柵豬犬四鄰緩急莫相越昨聞鄰子說果見夜聞噉  
哮竦毛髮起從壁孔稍窺覘恰有微月映屋缺翻烏駭雀  
不安樹偃草落葉悲風發闕行卓尾自破來意搏不得怒  
氣勃登軀哆吻首闖地瞋目眈眈兩杯凸侵朝出門迹宛  
在濕泥載途五爪沒口中且言尚驚怕轉首四顧疑衝突  
嗚呼猛獸猛不知平郊獨行無乃忽人稠地局勢無比衆

眼不甘留突兀其中豈無馮婦者攘臂敢前何不屢彎弧  
倘有裴將軍老命須臾應弦歿不知徙惡南山深安我民  
心汝安窰

割稻

我家低田水沒肚五男割稻凍慄股勞勞似共雨爭奪稻  
芽漸向鎌頭吐蓬蓬纂纂綴青針稻既生芽未應腐腐餘  
割得尚歡喜計利當存十之五小家伶仃止夫婦稻爛水  
深無力取口中之食眼中飽忍見穗頭沈著土波閔粒粒  
付魚雁一年生計空辛苦但憂兩口不聊生未暇徵租慮  
官府老翁坐對沈窰哭婆亦號咷向空釜雲昏月墨忘關

門隔壁咆哮一聲虎

永樂初給事姚伯善采木廣右被瘴客死殯及六十年至其孫榛鶴始克歸葬先兆作詩記之

惟昔永樂初 皇帝治明堂取材蒼梧野在榘楠豫章督以給事臣若曰伯善行叶公素侃察聞百辟得激揚譬如公翰子材悉良不良此行固 天簡公亦喜自當握節指八桂伐鼓官舲揚惟木彌萬山計材不計章昂霄及登壑乃適於棟梁此處瘴癘地氣候日不常公病即不治骨肉懸江東叶無人事綏復其魂悵彷徨枯藤束木函一殯六十霜嗟嗟榛鶴輩祖死而後生叶但知彼有殯不知在何

方坐輒向西南行亦西南望叶雖劇返葬心日月何忙忙無財亦無時猶盲者無相叶天實使湯公官廣得其詳書報在全州湘山寺之旁如因曼父母始知墓在防二子讀書畢哭踊如初喪榛行不擇日即日裹餼糧鶴云兄當住小弟力頗強此櫬所不返不復再見兄叶出門當嚴冬雨雪滿大荒九溪多鼉鱷鼓濤播舟航五嶺饒虎豹磨牙引饑吮鶴行無恐怖孝至膽氣剛達彼全州境入寺悲荒涼宛然三門側有堦記其藏拜之號三遠聞者痛肝腸發函升輜車奉還萬里鄉白骨猶再肉樂歸所自生叶藹藹桑梓里鬱鬱楸梧岡得從先人兆如齊返周葬叶况與元配

合孤雌成鴛鴦嗚呼二子者生死有耿光嗚呼二子者古  
義行于今叶嗚呼二子者類俗亦可興叶虞山若增高琴  
川若增長

顏氏婦節孝卷

人生苦是從軍行致之死地而復生何況婦人處閨闈不  
知關西多少程相從翁姑萬里去性命自擬鴻毛輕風原  
霜積莽何所嗥狼哮虎心冤驚新婦不敢嗟嫠婢手扶病  
姑兼兩嬰中途姑病不復起一身無帶猶漂萍歸來函骨  
尋舊路有眼茫茫渾似盲嗚呼顏家孝婦命薄苦如此只  
落節孝傳其名

石節婦 成化丙申

呂家有小姑許嫁石家郎石家罹法網合族無留行叶里  
豪復求婚趁此事更張慙慙媒氏蜜爲口不知小姑鐵作  
腸誓云生死石家婦有脚不踏他人堂皇天后土憫節義  
石郎不久仍還鄉流蘇嫋嫋開洞房春風吹入雙鴛鴦百  
年伉儷只三月明鏡忽破無完光拔我黃金釵脫我明珠  
鐙東市買棺斂西山買高岡土中先鑿合歡穴怨骨待共  
千年藏此身已死心未亡身上不著新衣裳有身苦無兒  
女託養老來依諸弟傍只今含笑入地下七十八年雙鬢  
蒼君不見松枯尚有節蘭槁還留香節婦之名不可泯當

與萬世扶綱常

土偶禍

錚錚鳴鑼彭彭伐鼓復有旂蓋亦有戟斧精力駿奔無有  
老整整肅肅什什伍伍絳帕帉首花繒繳股中與者神  
像之以土炭乎其冠被以繡組現者前導跳梁盪舞亟進  
如驅遙止如阻云神案行于彼災戶惟災之戶鞠躬偃僕  
小心來迎翁前後姥家無大小一一拜俯擊牲化楮薦以  
醇醕祝神加饗稱我神主惟疾惟患我佑我祐現迺執乩  
運曰神附擊案作聲現曰神怒必汝不虔不明告汝渾舍  
載拜極哀懇苦現始作書曰有逋負設通夢寐或聆呪詛

牛豕如干等以犬豕鷲鴨及鷄計當倍徒汝承其償其患  
良愈箕忽輟運少間復舉謂以汝故往懇獄府曲爲之解  
幹生死簿現之以下如狼如虎從翁史姥不容有語指日  
令償令面神許翁姥踟躕無以經紀質我青苗鬻我小女  
典我衣裳翦我機杼求我親戚貸我鄰比是日之屆其輩  
來聚主張督責枚舉件數數無虧少物必豐美獻事有成  
饗彼尊俎酒肉淋漓捍腸拄肚復有苞苴鬱載核糈此輩  
未出患者爲鬼越明之日神復求祀卽于東家其作如故  
哭者在西無警無悟嗷嗷之氓昧于義理生死係命聽稟  
有數豈是土偶能奪能與今旣無靈不察何俟噍噍羣小



附土利已土豈有知羣小寔使此事有類何伯取婦有豹  
為令悉投諸水

題杜東原先生雨景

老原作畫墨法熟紙上沉沉潑濃綠重林濕葉欲墮地合  
礪流淙似鳴玉廬山九疊翠不乾秋影平吞此長幅借看  
真怕雨拂面要為時人洗雙目滕王珠簾正堪卷董家破  
屋不可宿出門一笑青天高猶怪春泥汙吾足

古梅折枝歌為韓克瞻作

猾蛟不肯居西湖穹窿山中潛作都千年雜與草木處土  
膏沁骨蒼皮麓雪中攣拳凍欲死老腊又仗春風蘇今年

苦遭斤斧厄左股割落從樵夫幽靈暗泣天亦黑十斛清  
淚含明珠抱材肯受爨下辱失勢豈分溝中污韓湘直費  
百金買何啻網著青珊瑚挑回市上駭眾目兒女爭看來  
喧呼還疑神物有變化白日閉戶防逃逋金繩兩道鎖紐  
壯止禁更插碧玉壺主人尚恐莫長守請我寫作流芳圖  
高堂雪壁炤清影此屋此圖何可無

竹堂寺探梅

竹堂梅花一千樹晴雪塞門無入處秋官黃門兩詩客珂  
馬西來為花駐老翁攜酒亦偶同花不留人人自住滿身  
毛骨沁冰影嚼蕊含香各搜句酒酣塗紙作橫斜筆下珠

光濕春露只愁此紙捲春去明日重來花在地

雨夜宿吳匏菴宅

成化戊戌

雨中客舍苦局促故人招我有尺牘書云竹居可閉坐烹  
茶剪韭亦不俗得書徑往興亦豪何慮衝泥污雙足開門  
山林在城市濕綠如雲亞羣竹主人罄折故意深道慰契  
闊須信宿榻上爲我設衾枕堂中爲我羅酒肉我時肺病  
已絕飲強舉一觴連五六長談細辨困僕夫燈影簷花亂  
書屋美君有弟雅誼同山水光明信珠玉故事方思衛八  
家還味道遙堂後木人生良會豈易易他日如今又難卜  
謬圖菲語何足記雪泥聊耳知鴻鵠

西山有虎行

西山人家傍山住唱歌采茶山上去下山日落仍唱歌路  
黑林深無虎慮今年虎多令人憂遶山搏人茶不收墻東  
小女膏血流邨南老翁空髑髏官司射虎差弓手自隱山  
家索鷄酒明朝入城去報官虎畏相公今避走

又

西山有虎動成羣小兒夜啼爭撞門衆中最猛說白額當  
晝磨牙當道蹲腥風衝人行不得行人出門便愁食青天  
白日奈爾何老夫却愁陰類多

題林和靖手帖因借東坡先生所書其詩後韵

我愛翁書得瘦硬雲腴濯盡西湖淥西臺少肉是真評坡書比西臺差少肉數行清瑩含冰玉宛然風節溢其間此字此翁俱絕俗開緘見字卽見翁五百年來如轉燭可憐人物兩相求落我掌中珠有足水邊孤墳我會拜土冷煙荒骨難肉當時州吏歲勞問于今祀典誰登錄翁固不能知我悲聊對湖山歌楚曲我歌湖山亦不知惟有春鳩叫深竹歸來把酒吊雙緘猶勝無錢對寒菊

二月二十日與匏菴放舟遊虞山舟中見山有作

虞山我隣壤欲往路非遙比來無好抱風日虛春朝茲藉嘉友興理舟訪岩嶢漸喜蒼翠近豁眼嵐霏消上有古松

杉落落旌幢標其下見行人往來雜僧樵我坐意亦馳豈伺雙屐超何異謝康樂巫湖眺且遨

艤舟山下因遊致道觀登梁昭明讀書臺訪徐辰翁丹井復作一首

遠秀目已週復騁登高足青山不嫌人所取隨我欲巍巍古仙壇寂寂奠林麓七檜交雲霞靈飈散青馥崇臺轉磴道攀緣把旁竹同行玉堂彥高味應虛谷逍遙東山風能去歌管俗伸紙驚連章繆圖附一軸聊以志傾賞流傳亦何卜或恐聞邦人有酒悔無逐

留連山間迨暮始返棹

遲遲二三客默默對層岑轉柁清川口忽然西日沉常時  
急歸路茲焉迂我心行行望不輟去遠思滋深所思何以  
寫丹青亦難任不如就明月彈我丘中琴

慶雲菴牡丹

三月十日天半晴慶雲菴裏看春行陶娘李娘俱寂寞鼠  
姑炤眼真傾城老僧却在色界位靜笑山花惱客情靚粧  
倚露粉汗濕醉肉隔紗紅暈明吉祥將落舊有恨急借紙  
面圖其生明朝攜酒正恐謝亦怕敲門僧厭迎

觀徐士亨所藏懷素自序真跡吳匏菴許摹寄速之  
藏真儻蕩人草書知易耳羲獻百世師擬步爭尺咫長驅

竝顛旭所至非易矣筆勢酒發之將腕兵其指潛鋒在渾  
淪藏力於纖靡恍恍遲速間神妙出生死心以禪觀通隨  
物得書肯風雲及虺蛇信筆變不止一筆備一變萬變萬  
象起固足稱草聖多括類書史史遷嘗自序此作良有以  
汗漫逾千言燦爛連數紙初紙記子美會補龜玉毀山谷  
亦未見會遭穆父鄙後人况肉眼狐鼠得疑似喪亂七百  
年天豈愁遺此今日復何日所遇亦天使未能尋文讀且  
以指畫几歎羨及末卷題識驚妮妮名銜十有六尚漏薛  
劉米西臺與祁國緒論甫先啓同叔相諾唯公卷特詳記  
此輩推名流逐逐到餘子非惟致贊頌流傳悉源委譬羣

介輔賓傳命以成禮譬徵十朋龜信吉無餘擬季子肯榻  
致我詩系其尾南州肯勒石萬本播不已不然此紙者孤  
注安足倚

傷阿同

阿同年十四蓬垢身短小小心效力多過失比衆少每事  
解人意指使不顛倒似有成人姿私怪通慧早今年忽患  
痘頭面見稍稍週身漸稠密匝肉無空道色白漿不成識  
者謂難保愴惶十三朝焦黑如火燎我時去城中牽念夢  
屢造同亦盼我歸每問輒悵悞此意要面別亦自知死兆  
我歸不見同洒淚傷其天老者正需人何以堪懷抱今與

冥頑處愈自覺同好誤呼尚疑存轉顧驚悄悄送汝瘞東  
郊細雨滴青草

十一月望日至西山徐永年與徐襄陪宿山農陸達  
家月下作此

凌寒入西山落葉逐步武迤邐迨日夕竟宿櫛木塢地靜  
儼隔世忻與羣石伍誅茆願此住且脫墊溺苦親舊爲我  
來抱被侑尊俎清談不復寐媿媿雜今古開門望明月連  
嶂環四堵逍遙林影中鬚髮皆可數高吟動栖鵲霜氣滿  
巾履山間晝與夜可用隨我取諒非名利區沈酒天亦許  
明日尚滯不歸永年復連榻

山中尚有昨夜月山中癡人留不歸把杯對月興不淺月  
亦爲我添清輝三人一室互賓主禮數簡略心無機茆堂  
開門露氣冽葦壁竝礪泉聲微平生始來來不去推挽一  
任旁人譏明朝更約度西嶺笋輿入樹風吹衣